



Our Ref : 93510001CG1TPS1021 .

Your Ref :

Date : 03 MARS 2021

IBISOBANURO KU ITANGWA RY'INYEMEZABUGUZI ZA EBM KU BASORA BACURUZA IBIKOMOKA KU BUHINZI N'UBWOROZI

Mu rwego rwo kunoza imisoreshereze no gufasha abasora bacuruza ibikomoka ku buhinzi cyangwa ubworozi gusora binyuze mu mucyo, Ubuyobozi bw'Ikigo cy'Imisoro n'Amahoro ;

Bushingiye ku ngingo ya 25 y'Itegeko n° 016/2018 ryo kuwa 13/04/2018 rishyiraho imisoro ku musaruro, iteganya ko « **ibyatunze umwuga bikurwa mu musaruro usoreshwa bigomba kugaragazwa n'inyandiko ngaragazabuguzi nyazo »**

Bushingiye kandi ku ngingo ya 17 y'Itegeko n° 026/2019 ryo kuwa 18/09/2019 rigena uburyo bw'isoresha, iteganya ko « **Umuntu ukora ibikorwa bisoreshwa agomba gutanga inyemezabuguzi ikozwe mu buryo bw'ikoranabuhanga bwemewe n'Ubuyobozi bw'imisoro »**

Bushingiye na none kubyavuye mu nama nyunguranabitekerezo yahuje RRA n'abahagarariye abahinzi, amakoperative y'abahinzi, MINICOM, MINAGRI, n'inganda zitunganya umusaruro w'ibikomoka ku buhinzi n'ubworozi;

Buramenyesha abasora bakora ubucuruzi bw'ibikomoka ku buhinzi n'ubworozi ko abasabwa gutanga inyemezabuguzi za EBM ari aba bakurikira:

1. Inganda zitunganya ibikomoka ku buhinzi n'ubworozi mu gihe zabicuruje,
2. Abacuruzi cyangwa amakoperative bakusanyije umusaruro w'abahinzi cyangwa w'aborozi igihe cyose bawucuruje cyangwa bawugemuriye inganda ziwtunganya,
3. Umuhinzi cyangwa umworozi wabigize umwuga wanditse kubushake ku musoro ku nyungu z'amasoniyete (CIT) cyangwa umusoro ku nyungu z'abantu ku giti cyabo (PIT) igihe cyose yacuruje umusaruro we.

Icyitonderwa:

1. Umuhinzi cyangwa umworozi udacuruza kandi utanditse ku misoro wagemuye umusaruro we kuri koperative, ku mucuruzi cyangwa ku

ruganda, iyo umusaruro we wose utarengeje miliyoni cumi n'ebiyiri z'amafaranga y'u Rwanda (12,000,000Frw) ku mwaka, asonerwa umusoro nk'uko biteganywa n'ingingo ya 21 y'Itegeko n° 016/2018 ryo kuwa 13/04/2018 rishyiraho imisoro ku musaruro.

Icyo gihe abacuruzi, amakoperative cyangwa inganda zakiriye ibikomoka ku buhinzi n'ubworozi bigemuwe n'umuhinzi cyangwa umworozi utanditse ku misoro ntabwo asabwa gutanga inyemezabuguzi ya EBM. Icyakora, usora wakiriye uwo musaruro arasabwa gusa gutegura urutonde rugaragaza amazina na numero y'Indangamuntu by'umuhinzi cyangwa umworozi wagemuye umusaruro we, ingano yabyo n'umubare w'amafaranga yamwisyuye kugira ngo bizagaragazwe nk'ibyatunze umwuga.

2. Imishahara y'abakozi, ubwicungure (depreciation/amortissement). Ipatante n'amahoro ya Leta atandukanye, ibyaranguwe n'ibyacurujwe hakaba harabayeho gufatira umusoro wa 15% ku bwishyu, inyungu n'igiciro cya serivisi za banki ; nta nyemezabuguzi ya EBM bitangirwa cyangwa ikenewe kugira ngo byemerwe nk'ibyatunze umwuga.

Ku bindi bisobanuro, mwahamagara 3004 cyangwa mukatwandikira kuri info@rra.gov.rw


BIZIMANA RUGANINTWALI Pascal
Komiseri Mukuru

